

## ՀԱՇՎԵՏՎՈՒԹՅՈՒՆ

Կիպրոսի Հանրապետություն գործուղման արդյունքների մասին

**1. Անունը, ազգանունը.**

Մերի Գասպարյան  
Արևիկ Ստեփանյան

**2. Զբաղեցրած պաշտոնը.**

ՀՀ աշխատանքի և սոցիալական հարցերի նախարարության արտաքին կապերի վարչության գլխավոր մասնագետ

ՀՀ աշխատանքի և սոցիալական հարցերի նախարարության հավասար հնարավորությունների ապահովման վարչության երեխաների հիմնահարցերի բաժնի գլխավոր մասնագետ

**3. Գործուղման վայրը և ժամկետները.**

Կիպրոսի Հանրապետություն, 2023 թվականի դեկտեմբերի 7-ից 19-ը

**4. Հրավիրող կողմը.**

Կիպրոսի Հանրապետության կրթության, սպորտի, երիտասարդության նախարարություն,

Կիպրոսի Հանրապետության հայ համայնքի պետական ներկայացուցիչ Վարդգես Մահտեսյան

**5. Գործուղման նպատակը.**

Լեռնային Ղարաբաղից բռնի տեղահանված 30 երեխաներին Կիպրոսի Հանրապետությունում կազմակերպված սոցիալ-հոգեբանական վերականգնողական ծրագրի շրջանակում ուղեկցելու նպատակով

**6. Քննարկված թեմաները.**

Սոցիալ-վերականգնողական ծրագրի շրջանակում քննարկվել են Կիպրոսի Հանրապետության մշակույթի, պատմության, կառավարման, կրթական համակարգի վերաբերյալ թեմաներ:

**7. Հանդիպումները, ելույթները, բարձրացված կամ քննարկված հարցերը.**

Կիպրոսի Հանրապետություն կազմակերպված այցելության շրջանակներում տեղի ունեցավ հանդիպում Նիկոսիայի քաղաքապետ Կոնստանտինոս Գեորգաջիսի հետ, ով ներկայացրեց Նիկոսիայի մասին տեղեկատվություն, պատասխանեց երեխաների հարցադրումներին:

Կիպրոսի Հանրապետության կրթության, սպորտի, երիտասարդության նախարարություն այցի ընթացքում երեխաները Նիկոսիայի Նարեկ հայկական վարժարանի 20 երեխաների հետ մասնակցեցին ամանորյա ցերեկույթին՝ հանդես գալով վարժարանի երեխաների հետ համատեղ երգերով:

Կիպրոսի Հանրապետության պառլամենտում տեղի ունեցավ հանդիպում Ներկայացուցիչների պալատի անդամ և կրթության և մշակույթի հարցերի մշտական հանձնաժողովի նախագահ Պավլոս Միլոնայի հետ:

Տեղի է ունեցել հանդիպում Տ. Խորեն Արքեպիսկոպոս Տողրամաճեանի հետ, Նիկոսիայի Ս. Աստվածածին Մայր եկեղեցում երեխաները ներկա են գտվել պատարագի:

Բոլոր պաշտոնական հանդիպումներին ներկա է գտնվել և խմբին ուղեկցել է Կիպրոսի հայ համայնքի պետական ներկայացուցիչ Վարդգես Մահտեսյանը:

Խմբին կցված են եղել և մշտապես ուղեկցել են նաև հայ համայնքի երեք պատասխանատու ներկայացուցիչներ, ովքեր անմիջականորեն իրագործել են նախապես մեծ խնամքով կազմված բովանդակալից ծրագիրը:

Այցելություններ են կազմակերպվել նաև Լառնակայի Սուրբ Ղազարոս եկեղեցի, Ս. Ստեփանոս հայ առաքելական եկեղեցի, տեղի է ունեցել շրջայց Կիպրոսի Հանրապետության Լառնակայի շրջանի հյուսիս-արևմուտքում գտնվող Լեֆկարա գյուղ, Այա Նապա, կազմակերպվել էր զբոսանավով նավարկություն, ճաշ նավի վրա, աճաբարի կողմից շոու: Կազմակերպվել է այցելություն նաև Կիպրոսի հնագիտական թանգարան, Տամասու և Օրինիսի շրջանի առաջնորդարան, որտեղ տեղի է ունեցել հանդիպում հոգևոր առաջնորդի հետ:

Այցելություններ են եղել Լառնակայի, Նիկոսիայի, Լիմասոլի Նարեկ հայկական վարժարաններ, որտեղ երեխաները շատ ջերմ ընդունելության են արժանացել, ստացել են նվերներ:

Երեխաների համար կազմակերպվել էին նաև այցելություններ տարաբնույթ ժամանցային վայրեր (ատրակցիոններ, բուլինգ, պլանետարիում, սառցե դարաշրջանի ցուցահանդես, պարաօդքս թանգարան, փեյնթբոլ ժամանցի կենտրոն, ֆիլմի դիտում և այլն): Պատմամշակութային վայրեր այցերն ուղեկցվել են ռուսալեզու զբոսավարի բացատրություններով, մեկնաբանություններով:

Կիպրոսի Հանրապետություն այցի շրջանակներում երեխաները առանձնահատուկ մեծ ուշադրության ու ջերմության են արժանացել Կիպրոսի հայ համայնքի պետական ներկայացուցիչ Վարդգես Մահտեսյանի կողմից՝ ստանալով բազմաթիվ նվերներ, այդ թվում՝ մեծ ճամպրուկներ, բաճկոններ, հագուստներ և այլ անհրաժեշտ իրեր:

Կարմիր խաչի միջազգային կազմակերպության և Կիպրոսի հանրապետության պառլամենտի կողմից երեխաներին հատկացված վաուչերներով երեխաների համար կատարվել են անհրաժեշտ գնումներ (ըստ նախասիրության՝ սպորտային, ձմեռային կոշիկներ, հագուստ):

Այցի օրակարգը կցվում է:

**8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.**  
Որոշումներ չեն ընդունվել, փաստաթղթեր չեն ստորագրվել:

**9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.**

Հաշվի առնելով, որ նմանատիպ ծրագրերը Լեռնային Ղարաբաղի հակամարտությունից տուժած երեխաների սոցիալ-հոգեբանական վերականգնման տեսանկյունից մեծ կարևորություն ունեն՝ առաջարկում ենք դիտարկել սփյուռքի այլ հայկական համայնքների ներգրավմամբ ևս նման ծրագրեր իրականացնելու հնարավորությունը:

Միաժամանակ, նման այցերը հնարավորություն են տալիս նաև բարձրացնել Հայաստանի տեսանելիությունը և երեխաների միջոցով ուշադրություն հրավիրել առկա հիմնախնդրի վրա:

**10. Ստորագրությունը, ամսաթիվը:**

Մ. Գասպարյան  26.12.2023

Ա. Ստեփանյան  26.12.2023